

Inatsisartut suleriaasiat § 37, imm.1 naapertorlugu matumuuna Naalackersuisunut apeqqutit imaattut saqqummiuppakka:

Naalackersuisunut apeqqutit:

- 1. Qulimiguullit nutaat H155-it ullumikkut B 212 assigalugit timmisartuussinissaminnik silap qanoq ittuussusaannut piunasaqaatit assigiippat?**
- 2. Qulimiguullit H155 nutaajuppat imaluunniit atoreernikunik pisisoqarsimava?**
- 3. Qulimiguullit H155 nutaat akuerisaappata, sullissinermullu isumaqatigiissutini atortulersugaallutik, marlunnik pilot-erlugit aamma/imaluunniit IFR-timmisartuusseqqusaallutik sermernartoqartillugu (soorlu persertillugu)?**
- 4. Qulimiguullit H155 nutaat sermernartumi timmisinnaappat?**
- 5. Qulimiguullit H155 nutaat Kullorsuarmut timmisartuussissinnaappat, allaaserisami¹, Bell 212 inugaanni?**
- 6. Qulimiguullit H155 nutaat angallassinikkut unamminartutut atuuttut eqqarsaatigalugit ikiuutaasinnaappat soorlu silap killilersuinera eqqarsaatigalugu sullissinikkut suliasat tamaasa eqqarsaatigalugit?**
- 7. Qulimiguullit AW-SAR² H225 nutaat sermernartoqartillugu timmisinnaasut, inunnik angallassinermi naliginnaasumik atorreqarsinnaappat?**
- 8. Naalackersuisut uppersarsinnaavaat sullissinermik isumaqatigiissutit nutaat qulimiguullit atorlugit angallassinermi, pilot-imik ataatsimik NAT-VFR tunngavigineraat tamannami immikkut akuersissutaasussaammat inatsisitigut (BL 7.1 kapitali 5 imm. 5.1)?**
- 9. Naalackersuisut uppersarsarlugu oqaatigisinnaavaat qulimiguulinnik angallassineq 2024-imiit atorunnaassasoq Nunatta Kujataani, aningaasatigut pilersaarutini sipaarniarneq siunertaralugu?**

(Inatsisartuni ilaasortaq, Pele Broberg, Partii Naleraq)

¹ <https://sermitsiaq.ag/node/226696>

² All weather – Search And rescue

Inatsisartunut ilaasortaq Pele Broberg

Imaneq 1, Postboks 4120, 3900 Nuuk, E-mail.: peleb@inatsisartut.gl Nittartagaq.: www.partiinameraq.gl
Oqarasuaatit.: +299 34 50 00 Toqqaannartoq.: +299 34 62 69 Angallattagaq.: +299 483536



Tungaviliineq:

Piffissami qaangiuttumi Upernavimmi timmisartuussissarnikkut uteqattaartumik ajornartorsiortoqartarpoq timmisartuussisarneq annikippallaalerluni, tamannalu qulimiguullip silaannaap killeqarnerasigut pinngortarluni.

Tassunga tungatillugu Air Greenland imatut oqaasertalersimavaa qulimiguulimmik mutiunerusumik H155-imik pisiniarniarluni,³

Naalackersuisut⁴ aamma ilanngullugu oqaatigisimavaa "Angallassinermi atortulersuutitigut annertuumik pitsanngorsaasoqarniarmat. Assersuutitut taaneqarsinnaavoq qulimiguulinnik nutaanik pisiniartoqarniarmat qulimiguullit Bell512 taartissaannik", taakkuami innuttaasunut imatut isumaqartitsinnaagamik sullissinikkut pitsanngorsaasoqartoq taamalilluni silap pissusaanik ullumikkutut killiliisoqarunnaartussaalluni.

Tassalu ajoraluartumik Air Greenland imaluunniit Naalackersuisut innuttaasunut kingunerisassat naammalluartumik qaammarsaavigisimangilaat, imattut oqaasertalimmik:

"Tunulequtaa teknikkikkullu paasissutissat"

Pitsanngorsaaitit

Sullissinermik isumaqatigiissutit nutaat pitsanngorsaaitinik imaattunik kinguneqartitsissapput:

...

Qulimiguullit nutaat mutiusut Airbus H155-it

Tallimanik kaavittoqarpoq, marlunnik motoreqarpoq, medium multimission qulimiguulik sarpia tunuaniittoq nipikitsumik aaqqissugaavoq aammalu miffigisartagaa qummukartinneqarsinnaalluni.

H155 qulimiguulinni taakkunani tunitsiviusuni sukkanerpaavoq ingerlaartillunilu 260km/t sinnerlugit sukkassuseqarluni, timmiffigisinnaasaalu ungasinnerpaamik tassaalluni 784 km.

Naatsorsuutigineqarpoq qulinik issiavilerlugu aaqqissuunneqassasoq ilaasunut inissaqartitsilluartumik. Nassatanut assartukkanullu inissaqarluaqqullugu taamatut aaqqissugaavoq.

³ https://naalackersuisut.gl/da/Naalackersuisut/Nyheder/2020/11/0611_servicekontrakter

⁴ https://naalackersuisut.gl/da/Naalackersuisut/Nyheder/2020/11/0611_servicekontrakter

Inatsisartunut ilaasortaqaq Pele Broberg

Imaneq 1, Postboks 4120, 3900 Nuuk, E-mail.: peleb@inatsisartut.gl Nittartagaq.: www.partiineraleraq.gl
Oqarasuaatit.: +299 34 50 00 Toqqaannartoq.: +299 34 62 69 Angallattagaq.: +299 483536



Ilersimaartarfik sukkasuumik ajornanngitsumillu nassatassanut nassiussanut napparsimasunillu angallassinermut atorneqaleriaannaavoq.

Annaassiniarnermut atortorissaarutit SAR ikkuttariaannaapput, kiisalu "sling-imik" atorulersugaalluni 1600 kg kivissinnaallugu."

Nalunngilara Air Greenland-ip H155 qulimiguullit suliffeqarfimmit inummik ataatsimik pigineqartumit Heliglobe pisiaasoq, belgiarmiut suliffeqarfiutaat NHV aqutigalugu, taamaammat imatut oqaasertalernera "qulimiguullit mutiusut" apeqqusernaqaat. Aammaluunniimmi NHV nammineq tusagassiutigut nalunaarummini⁵ qulimiguullit taakkua pineqartut atornikorujussuit atorunnaarniarlugit pingaartillugit suli nutaanerusunik pisinnaanerusunillu pisiniarsimagamik, pisisartuminnut pisinnaanerusunik tatiginarnerusunillu qulimiguulinnik peqalerniassagamik:

"Suliffeqarfiup aqutsilluarnermikkut timmisartuutini aqulluarsimavai qulimiguullit pisoqqasaanerusut teknologimik nutaanerusumik taarserniarlugit, kiisalu qulimiguullit uuliasiornermut gas-imillu piiaasunut atorneqarsimasut ikilisarneqarsimallutik. Qulimiguullit pisoqqasaanerusut nutaanik taarsernerisigut imminut akilersinnaanerusumik ingerlatsisoqassammat, periarfissat amerlanerusut atuisunullu tatiginarnerusumik inerreqassalluni. "

Qulimiguullit pisiarinqarsimasut atornikut ukiut qulit tyve-lluunniit pisoqaassusillit "sermiiiaanermut" atortoqanngippat ("de-icing) aammalu IFR malittaralugu timmissanngippata, taava innuttaasunut salluliorneruvoq qulimiguullit nutaat "qulimiguulinnik mutiusunik" taassallugit. Pissutsit uani pineqartut Inatsisartuni ilaasortanit isumaqatigiissutinik taaseqataasimasunut ilisimaneqarsimassasut ilimagineqarsinnaavoq, taamaallaat innuttaasunut tamanna pillugu paasissutissiisoqarnissaa amigaataalluni.

Air Greenland, maanna tassa 100%-imik Namminersornerusunik pigineqalernikuusoq, aamma qulimiguullit H 255 silap qanorluunniit ippat ingerlasinnaasut SAR-isumaqatigiissummut ilanngussimavaat, qulimiguullit taakkua sermernartumiluunniit atorneqarsinnaapput. Ajoraluartumik erseqqissumik ilisimaneqanngilaq iluanaarutigalugu angallassinermut atorneqarsinnaanersoq, soorlulusooq S-61 ukiorpassuarni tapitartuutaasartut Bell 212-iaqqanut suliassat annertuvallaalersillugit⁶.

⁵ <https://nhv.be/about/news/new-home-for-nhvs-h155-fleet>

⁶ <https://sermitsiaq.ag/node/202592>

Inatsisartunut ilaasortaq Pele Broberg

Imaneq 1, Postboks 4120, 3900 Nuuk, E-mail.: peleb@inatsisartut.gl Nittartagaq.: www.partiinameraq.gl
Oqarasuaatit.: +299 34 50 00 Toqqaannartoq.: +299 34 62 69 Angallattagaq.: +299 483536



partii naleraq

Taamaammat paasiniartariaqarpoq H255 qulimiguullit nutaat atuutilernissaat ilimanarnersut, tassami silapilutsillugu H155 qulimiguullit sapilertartussaammata, imaluunniit iluanaarutaasumik atorneqarnissaa aamma unamminartuusimanersaq.

Naggataatigut Naalakkersuisut sullissinermik isumaqatigiissutit pillugit nutaarsiassani imatut allassimasoqarpoq, soorlulusooq qulimiguulinnik isumaqatigiissutinik nutaanik isumaqatiginninniartoqaannassoq Nunatta Kujataani ukiumi 2024-imi isumaqatigiissut atorunnaarpat, taavalu Inatsisartunut oqallissaarummi ersarilluinnarluni, qulimiguulinnik assartuinissamik neqeroortoqarnavianngitsoq ukioq 2024 kingorna, aningaasatigut missingersuut qaangernaveersaarniarlugu, taamaalilluni qulimiguullit atorlugit assartuineq 2024 kingorna atorunnaavissalluni immakkullu angallatinik/umiarsuarnik angallassineq taamaallaat atulissalluni Nunatta Kujataani.

Apeqqut ullut suliffiusut qulit iluani akineqarnissaa kissaatigineqarpoq.

Inatsisartunut ilaasortaq Pele Broberg

Imaneq 1, Postboks 4120, 3900 Nuuk, E-mail.: peleb@inatsisartut.gl Nittartagaq.: www.partiinaleraq.gl
Oqarasuaatit.: +299 34 50 00 Toqqaannartoq.: +299 34 62 69 Angallattagaq.: +299 483536